

## 16 SARAJEVSKA HRONIKA

### Delegacija Općine Novi Grad



# Posjetili uspješnog pčelara Midhata Hodžića

Delegacija Općine Novi Grad Sarajevo sa načelnikom Semirom Efendićem na čelu posjetila je Midhata Midu Hodžića, pčelara koji je za kvalitet meda planinska livada nagrađen zlatnom, a za šumski med srebrnom medaljom na 11. Bee fest sajmu pčelarstva i pčelarske opreme, koji je od 11. do 15. septembra ove godine održan u Sarajevu. Hodžić je ove godine prvi put sa proizvodima učestvovao na sajmu, gdje je među više od 70 izlagača s područja cijele BiH nagrađen za svoj rad.

- Sve je počelo kada mi je komšija, sada već rahmetli, Halim poklonio jednu košnicu sa pčelama. Od tada pa do danas ne prestajem se baviti ovim poslom. Kako nisam zaposlen, ovo mi predstavlja izvor prihoda. Posao je zahtjevan, ali kada se nešto voli, onda nije teško, kaže Hodžić.

Građani koji žele prirodni domaći med, bez ikakvih hemijskih dodataka, mogu ga naći upravo kod Midhata Mide Hodžića, nastanjenog u Ulici porodice Šehić broj 84 u Zabrdju.